

1.
Thesis to be ^{half} bound accord
to pattern No 2

DISSERTATIO MEDICA

INAUGURALIS,

DE

ICTERO.

Handwritten text, likely bleed-through from the reverse side of the page.

DISSERTATIO MEDICA

INAUGURALIS

DE

ICTERUS

DISSERTATIO MEDICA

INAUGURALIS,

DE

ICTERO;

QUAM,

ANNUENTE SUMMO NUMINE,

Ex Auctoritate Reverendi admodum Viri,

D. GEORGII BAIRD, S.S.T.P.

ACADEMIÆ EDINBURGENÆ Praefecti:

NEC NON

Amplissimi SENATUS ACADEMICI consensu,

Et nobilissimae FACULTATIS MEDICÆ decreto,

PRO GRADU DOCTORIS,

SUMMISQUE IN MEDICINA HONORIBUS AC PRIVILEGIIS

RITE ET LEGITIME CONSEQUENDIS;

Eruditorum examini subjicit

GEORGIUS EDVARDUS MALE,

ANGLUS.

Societ. Reg. Med. Edin. Soc.

Ad diem 24. Junii, hora locoque solitis.

Edinburgi:

CUM PRIVILEGIO,

APUD ALEX. SMELLIE.

—♦—
M,DCCC,II.

PATRI

OPTIMO INDULGENTISSIMOQUE

JACOBO MALE,

ARMIGERO;

HAS

STUDIORUM PRIMITIAS,

PIETATE, QUA FILIUM DECET

OFFERT,

G. E. MALE.

TATRI

OPTIMO INDULGENTISSIMOQUE

JACOBO MALLÉ

ARMIGERO

HAS

STUDIORUM PRIMITI

PRÆTAT, QUÆ NUNQUAM DECEAT

OFFERT

G. F. MALLÉ

NECNON

VIRO REVERENDO

JOANNI DUDLEY,

DE HIMLEY,

IN COMITATU STAFFORDIÆ;

AVUNCULO ET AMICO,

HANC DISPUTATIONEM,

PEREXIGUUM OBSERVANTIÆ PIGNUS

CONSECRAT

A U C T O R.

Digitized by the Internet Archive
in 2020 with funding from
Wellcome Library

DISSERTATIO MEDICA

DE

I C T E R O.



MORBUS quem pro hujus opusculi argumento selegi, medicorum attentionem optimo jure semper vindicavit; ad causam ejus indagandam nervosè, nec infelicitèr incubuerunt; et experimenta haud pauca, quibus natura ejus plenius innotescat, instituerunt. Varia ei nomina, nempe morbum regium, morbum arquatum, auriginem, &c. imposuerunt medici, vulgò autem audit Icterus.

A

De

De Icteri igitur natura, et medendi ratione, quò institutis almae hujus Academiae obtemperem, pauca disceptare statui.

Definitio morbi a Culleno adumbrata, prae aliis, mihi arridet; ‘Flavedo cutis et oculorum, foeces albidæ, urina obscurè rubra, immixta colore luteo tingens.’

Species, prout diversa fuerit causa excitans, variant: quinque enumerat idem auctor perillustri.

1 Icterus Calculosus.

2 Icterus Spasmodicus.

3 Icterus Hepaticus.

4 Icterus Gravidarum.

5 Icterus Infantum*.

‘ Duæ

* Vide Synopsis Nosolog. Method.

‘ Duae sunt hujusce labis species ; aut enim in
‘ flavum croceumque vergit, simulque albicat et
‘ virescit, aut in lividum, nigrumque declinat ;
‘ inter haec extrema, infinitae sunt colorum va-
‘ rietates *.’

* Vide Aretaeum, Cap. 15. p. 45.

DISSERTATIO MEDICA

MORBI HISTORIA.

ICTERUS ex bile cum sanguine commistâ constat, quae ad corporis superficiem delata, ei colorem flavescentem impertit. Hicce color in tunica oculi adnata primum sese ostendit, ungues occupat; morbo progrediente, per totum corpus denique erupturus, id, colore flavo quod saepe haud multum ex auri abludit, deturpans.—Morbo obrepente, ferè semper adest corporis languor insolitus, aeger motus averfatur, et torpet; horrores subindè recurrunt; sensus ponderis et doloris nunc obtusi, nunc acuti, et haud rarò ad humerum dextrum usque protendens, regionem hepatis tenet; dolor mordax ventriculum occupat; et nausea, anorexia, flatus, et alia quae

ventriculo

ventriculo malè affecto concitari solent signa, aegrum plus minùs torquent. Accedunt nunc spirandi difficultas, sitis, anxietas, dolor capitis, cutis arida, et calor circa alas nasi molestus; nunc in syncopen incidet aegrotans, nunc convulsionibus corripitur *. Si morbus diutius trahitur, pruritu admodum molesto saepe comitatur; fador haud facilè elici qucat; in somnum proniores evadunt aegroti, somnia autem sollicita, mentem ferè semper exercent, et parum reficiuntur. Alvus ut plurimum tarda, solventibus eget; quae infra dejiciuntur, argillacea sunt, et solito foetore orbantur. Haec symptomata saepe subito decedunt, iterumque revertunt. Decubitus in latus sinistrum, plerumque difficilis est, et aeger situm erectum molestè fert, sed corpore aliquantum inclinato, melius se habet. Quodcunque corpus convellit, motus nempe, tussis, sternutatio, &c.

dolorem

* Vide Coe on Biliary Concretions, p. 148.

dolorem exacerbat. Saliva, et sanguis, et quod ex exulceratoriis prodit, flavedine tinguntur; aliae quoque secretiones, praeter lac, quod nunquam inficitur, eundem adipiscuntur colorem, auctori- bus fide dignis testantibus*; de hoc autem aliter sentit Underwood, ut ex sequentibus colligere pronum est:

‘ Women long afflicted with jaundice, during
‘ any part of their pregnancy, and even actual-
‘ ly brought to bed in that state, do not infect
‘ their children, unless they also suckle them; but,
‘ from some striking instances, I have found, that
‘ suckling in that state is capable of communi-
‘ cating the true jaundice to a great degree, and
‘ that it will not be cured but by the recovery
‘ of the suckling mother, or nurse, or by the
‘ infant

* Vide Heberden Med. Transact. Vol. II.

‘ infant being weaned as well as properly treated *.’

‘ Gustatus amarorum quidem non amarus, (quod mirum est), non tamen dulcis; dulcium vero amarus †.’

Omnia gustui sunt amara. Cum morbus moras necit, facies squalet pallore. Sunt qui contendunt visum sæpe affici, et omnia, quæ conspiciuntur, flava apparere. Alii autem, ratione haud minori, hoc negant; et huic opinioni ex experimentis cel. Drs. MONRO, nova firmitas accedit. Ille rubiam tinctorum, quam quibusdam animalibus dabat, totum corpus, præter corneam et humores oculi pervadere inveniebat. Utcunque autem hoc erit, hoc symptoma rarissimè, si unquam

* Vide Underwood on the diseases of Children.

† Vide Aretæum, lib. I. p. 46.

quam adest, et si quando accidere videtur, ex vasculis quæ corneam adeunt minimis, magnitudine adauctis, oriri potest.

Aliquando febricula accenditur et arteriæ frequentius solito micant.

Quando icterus ex labe viscerum oritur, pessimam induit formam, et haud rarò in putridam diarrhoeam, hæcticam, vel hæmorrhagiam, haud facile inhibendam, morte tandem desituram, abit.

Quando morbus in salutem cedit, decoloratio cutis gradatim decedit. Urina et foeces, colorem naturalem recuperant, dolor mitigatur, vel omnino evanescet, et alia morbi signa suo ordine decedunt. Diarrhoea crisin optatam haud rarò affert.

Icterus omnem aetatem, sexum, et temperamentum adoriri potest ; faeminis autem prae maribus, et temperamento melancholico praeditis, infestus est. Qui in calidis quàm qui in frigidioribus regionibus degunt, frequentiùs corripiuntur.

Icterus niger, aetate proVectos praesertim invadit.

SECTIO CADAVERUM.

CADAVERA ictero peremptorum inspicientibus varia sese obtulerunt. Vesica felle, magnitudine enormiter aucta, et calculis biliosis repleta saepè reperitur. Hi calculi colore, magnitudine, figurâ, et numero, quamplurimum variant: aliquando usque ad 100 inventi fuere; et exempla proferuntur, ubi ad 1000 * et etiam 2650 † reperti sunt. HOFFMANUS casum narrat, ubi 3646 calculi in vesica felle detecta fuere. Calculus qui cavitatem vesicae felle ex toto replebat inventus est ‡. Vesica felle ita distenta, ut lb8. bilis tenacioris
contineret

* Baillie's Morbid Anatomy.

† Parry on Syncope Anginosa.

‡ Lieutaud, p. 207.

contineret observata est *. Ductus nunc multum ampliantur, nunc consolidantur, vel etiam ossi facti, exitum bili omnino recusant †. Intima corporis penetralia bile saepe inficiuntur, et adeps ‡, ossa, et cartilagines eâ haud rarò deturpantur; ossa, etiam ad annos post morbum fugatum, colorem flavescientem retinere dicuntur. Hepar, vel viscera quaedam vicina, morbida saepe reperi ta fuere; nunc multum magnitudine imminuta, nunc multum adaucta. Hepar praesertim hydatidibus, scirrho, tuberculis, abscessibus, laborasse saepe visum est §.

CAUSAE

* Edin Medical Essays, vol. II. art. 20.

† Morgagni, vol. 2.

‡ Morgagni.

§ Coc on Biliary Concretions.

CAUSAE REMOTAE.

PATHEMATA quae mentem contristant, vel praeter modum incitant, icterum induxisse feruntur; bile copiosius solito secreta, in ductus aegrè deferenda; vel spasmo in eos inducto.

Sunt qui, et haud infirma ratione, strenuè negant ductus fibris muscularibus instrui, stimulo enim mechanico (nam chemico parùm fidendum est) admoto, minimè sese contrahunt*; hoc autem concesso, quid vetat quo minùs duodenum, proximè ubi ductus in intestina hiant, illos spasmodicè constringat?

Ex

* Audi Praelectiones Drs. Monro.

Ex affectionibus quoque animum incitantibus, calculos in vesica fellis priùs existentes, in ductus detrudi, facile concipi potest.

Vita sedentaria; liquorum spirituosorum abusus, homines in icterum proniores reddunt. Omnia quae bilis iter in intestina impediunt, icterum concitare valent. Hepar hydatidibus, vel scirrhus oblitum, hujus morbi causa haud rarò existit.

Viscerum vicinorum labes quoque, ut pancreatis scirrhus, vel moles adaucta, morbo originem, ut ferunt auctores, prae buerunt. Hepatitidi*, ut tympanitidi† nonnunquam supervenit. Morsum rabidorum animalium subsequi affirmatur; quod Dr MEAD, spasms ductus biliferos contrahentibus, ut in dolore colico evenit, tribuit‡. Ossificatio

* Boerhaave, aphorism 918.

† Powel on the Bile.

‡ Vide Mead on Poisons.

catio ductuum, vel hi multum incrassati, transitu bilis impedito, morbo aliquando originem dederunt.

Acrida in ventriculum recepta, vomitum cientia, et prae omnibus calculi in ductibus inhaerentes, icterum movent. Semina fructuum ut grossularia, &c. orificium ductus obturando, morbum concitare possunt.

Calculi biliarii, in vesicâ fellis generari videntur; ibi enim, et in ductu cystico, frequentius occurrunt. In poris biliariis, et substantiâ hepatis parenchymatosâ detecti fuerunt; hoc autem per raró accidit: RUSH enim in cadaveribus secandis multum versato, semel tantum ibi occurrerunt.

Calculi biliarii icterum solummodò movent, quando itineri bilis in duodenum obstant. In ve-

fica

fica fellis diu impunè immorari queant. Icterus aliquando faeminis, dum uterum gerunt, supervenit; post partum decessurus; in hoc casu, uterus, tantam magnitudinem adeptus, viscera abdominis et intestina sursum premit; hac vià faccum descensui obstat, quae in colo remorantes, ductus biliarios comprimere et obturare queant.

HALLER opinatus est, concretiones quae in vesica fellis plebicae quae circa Gottingen degunt, saepè reperiuntur, usu spiritûs Gallici immoderato progigni. Febribus intermittentibus aliquando supervenit; praesertim si *Cortice Peruviano* nimis maturè suppressae fuerint, ut quidam volunt*. Medici autem, et remotiores, et qui recentius vixerunt, qui de febribus intermittentibus aliquid literis mandârunt, priusquam usus hujus remediî innotuit, tertianos, et quartanos inveteratos, icterum,

* Vide Home's Princip. Medicinae, p. 263.

rum, et glandularum infarctiones saepe subsequi, uno ferè ore profitentur. Hodiè quoque haec mala illis, nullo cortice adhibito, saepe superveniunt. Qui circa canales Venetiae degunt, ictero pertinaci, ut fertur, maximè obnoxii sunt, et de iis qui Maris Caspii oras incolunt, affirmatur. Meconium in infantibus, icterum nonnunquam concitat, qui, illo expulso, profligari solet. Quidam bilis lentorem inculcant; et eam magis viscidam et tenacem, tempestate sicca et calida, fieri perhibent, quod valde dubium est: Ratio autem non deest cur credamus, bilem solito densiorem, aliquando fecerni*; constat tamen bilem saepe viscidiorē existere, sine ictero superveniente. Casus in hoc nosocomio, medico exercitato, nuper sese obtulit, ubi nulla causa, cadavere inspecto, nisi bilis tenacior, percipi potuit†; accidit quoque, quòd

* Vide Powel on the Bile.

† Aud. Home's Clin. Praelect.—1801.

quòd icterus, post bilis spissioris dejectiones, sum-
motus fuerit : et febre biliosa Indiae Occidentalis
correpti, ictero saepe flavescunt.

Calculus Biliariis analysi subiectis, varios habuere
exitus ; non una enim est omnibus facies, struc-
tura, vel compositio chemica. Quidam ex resina,
terra calcarea, cum alkali minerali et volatili con-
stant * : hi *alcohole* solvuntur, opaci sunt, et ex bile
condensata constare videntur† : alii ex materia sa-
lina constant ; nec *alcohole*, nec oleo terebinthinæ
solvi possunt, neque flammam concipiunt, sed in ci-
neres rediguntur ; ex chrySTALLIS constare viden-
tur, qui, exterius, speciem lamellatam, interius,
striatam, exhibent. Figurâ, magnitudine, et co-
lore, plurimum variant, qui, nunc albus, nunc

C flavus,

* Vide Saunders on the Liver.

† — Fourcroy.

flavus, subfuscus, vel niger invenitur. Analyfi
subjecti, refinam, muriatem sodae, carbonatem
ammoniae, phosphatem calcis, et oxydum ferri
praebent.

CAUSA

CAUSA PROXIMA.

CAUSA hujus morbi proxima ex bile cum sanguine commistâ deducitur. De viâ quâ sanguinem ingreditur, varia admodum sententia est. MORGAGNI et BOERHAAVIO persuasum fuit, morbum ex bilis secretionem impedita oriri; quam opinionem tamen ex inspectione cadaverum Ictericorum facilè refutatur: in his enim vesica felle, bile præter modum turgida sæpe reperta est: accidit quoque, ubi vitium quodvis, putà hepatis scirrhum, bilis secretionem impedit, Icterus nequaquam subsequitur: nec ulla adest ratio cur credamus, bilem in sanguine priùs existere, (experimentis à FOURCROIO nuper institutis omnino posthabitis)

habitis) quàm ex hepate secreta fuerit : optimè enim innotuit pleraſque ſecretiones non reverà in ſanguine ineſſe, ſed aſſione quâdam peculiari ex eo ſeparari.

Bilis, duplici potiffimùm modo, regurgitatione nimirum, et abſorptione, cum ſanguine commiſci queat : de his medici diu certarunt, et adhuc liſ eſt. Qui priori opinioni addiſti ſunt, ſententiam argumentis ſequentibus tueri conantur. HALLER affirmat liquorem in ductum hepaticum immiſſum, ad venas hepaticas deferri et hoc experimentum, eodem eventu, a Dre. SAUNDERS iteratur : hic quoque rem ulterius proſecutus, ſequentem inſtituit experimentum.

Ductu hepatico canis ligato, duabus horis elapſis, ſanguinem ex vena jugulari, et quoque ex vena hepatica detraxit : chartulâ in priore immiſſâ,

missâ, parum afficiebatur, in altera autem flavescence planè tinge batur.

Altera opinio quae gravi Drs. MONRO auctoritate tuetur, argumentis firmioribus nititur.

Ille injectiones ex ductu hepatico in venam hepaticam non facilè, nec sine vi quâdam, transire invenit: in hoc casu igitur, vasorum rupturam fieri, colligere pronum est.

Argumenta autem quae ex injectionibus derivantur, litem nequaquam dirimunt: sunt tamen alia quae minùs ambigua videntur.

Ductu hepatico canis ligato, lymphatica quae, ex hepate, ductum thoracicum adeunt, bile turgida reperta fuere, et oculorum flavedo conspicua erat: ductu autem thoracico et hepatico, eodem

dem tempore ligatis, nulla Icteri signa, vel levissima apparuerunt*.

Haec igitur experimenta clarè demonstrant, bilem lymphaticis absorberi; quod quoque *a priori*, rationi fatis congruum est.

Regurgitatio igitur bilis, si unquam, perrarè accidit.

* Audi praelectiones Monro cel.

DIAGNOSIS.

DIAGNOSIS.

ETSI signa quae Ictero propria sunt, cum satis benè designant, sunt morbi quidam, qui cum eo nonnunquam confundi periclitantur:

A Chlorosi facile separatur, si ad flavedinem albugineae, urinae colorem, et dolorem circa regionem hepatis, quae in Ictero adfunt, animum advertamus.

Quando hepatitis, Icteri speciem simulat quae calculo ductui inhaerente, et ita irritante ut inflammatio excitetur, comitatur, quod non raro accidit, diagnosi difficilis est.

Febris

Febris Indiae Occidentalis flava, Icterus nonnunquam simulat : adest autem pyrexia typhodes, subita virium prostratio, et dejectiones liquidae biliosae.

Quando Icterus *ex morsu serpentium* proficitur, ex parte primum affecta, color Ictericus gradatim sese diffundit, et alia Icteri signa desunt.

PROGNOSIS.

P R O G N O S I S.

IN hujus morbi eventu praedicendo, ad causas, quae ei originem praebuerunt, imprimis respiciendum est, prout hae variant, prognosis diversa sit necesse est.

Quando ex causa levi, ex meconio retento, ex animi pathematis, &c. oritur, exitum felicem jure augurare possumus. ‘Sudor naturalis optimum praebet signum *.’

Si morbus ex scirrho hepatis vel viscerum vicinorum originem duxerit; si adsit ossificatio vel concretio ductuum, raro medicinae auscultat.

D

Si

* Vide Home's Principia Med.

Si calculis biliariis Icterus productus fuerit, plerumque in salutem cedit morbus : praesertim si aeger aetate floreat. Si autem morbus in longum deducitur, si calculus propter magnitudinem aegrè in intestina propelli queat, si adest febricula, et corporis compages infirmior fuerit, viribus multum resolutis, aeger in lubrico versatur statu. Icterus niger pessima morbi signa sibi adsciscit ; et eo implicati, fatis plerumque cedunt *.

RATIO

* Vide Hoffman à Dre. Duncan editum, Cap. 12. p. 355.

RATIO SYMPTOMATUM.

CUTIS color flavus ex bile cum sanguine commista, et ad cutem delata, planè oritur : ad tunicam oculi adnatam et unguium radices, flavedo primùm apparet, quippe hae partes prae caeteris albicant.

Anorexia, nausea, et vomitus, ex commercio admodum arcto, quod inter ventriculum, mirandum consensûs organum, et aliõs humani corporis partes intercedit, planè repetenda sunt. Quando morbus ex aucta bilis secretionem pendet, vomitus ex bile in ventriculum recepta oriri potest.

Corporis

Corporis languor et lassitudo, ex defectu stimuli, quem bilis intestinis dat, quorum torpor cum toto corpore communicatur, oriuntur.

Faeces bilis orbatae albicant. Pruritus ex bile cutem irritante planè deduci queat.

Dolor in hypochondrio dextro, ex vesica felle bile turgida, vel ex calculo in ductu inhaerente, oritur. Diaphragma aliquando consensu laborat, et singultus, dyspnoea, et tussis excitantur. Alvus adstricta, ex intestinis solito stimulo privatis, quo fit ut munere segniùs fungantur, proficiscitur.

Quando diarrhoea accidit, bili, remora in vesica felle acriùs factae, et in intestina tandem profusae, tribuenda est.

Cutis nigricans, ex bilis secretione perversa *, vel ex ea cum particulis rubris commista, oriri queat. Alii quoque, non certè optimo fundamento, aliquid putredinis subesse volunt.

RATIO

* Vide Saunders on the Liver.

RATIO MEDENDI.

IN causis, quantum fieri potest, removendis, et in symptomatis quae moleste urgent mitigandis, consilia hujus morbi medendi absolvuntur.

Quando Icterus ex spasmò proficiscitur, quae huic obviam eunt, praesertim adhibenda sunt: antispasmodicis igitur planè locus est, et inter haec opium prae aliis eminet.

Tepidarium quoque in hoc statu, bonos praestat effectus, vel toti corpori applicatum, vel hypochondrio dextro, ope utrisque aquae calidae repleti admotum, prodesse solet.

Si

Si signa scirrhum hepatis, vel aliorum viscerum, innuere videntur, parum plerumque valet medicina; ut nihil autem praetermissum videatur, ad medicamenta quae obstructiones referant quamprimum decurrendum est. Hydrargyrus, et cicuta, saepiùs usurpantur. Chrystalli tartari, una cum mezereo, laudibus cumulantur*.

Quando morbus ex meconio retento oritur, quae alvum leniter solvunt, curationi satis fiant. Eadem medendi ratio, quando morbus, ex bile spissiore oritur, optimè convenit.

Siquando ex bile solito copiosius secretâ originem duxerit Icterus, quae diluunt, et alvum blandè cient, aptè in auxilium veniunt. Exercitium nimium, emetica, cathartica draastica, et omnia quae

* Vide Home's Clinical Experiments.

quae corpus convellunt, vel sanguinis circuitum incitant, procul absint.

Icterus (ut jam dictum est,) calculos, ut causam frequentissimam agnoscit: haec causa, ex morbo subito remittente, iterumque recurrente, et ex calculis infra transmissis, facilè plerumque innotescit. Hi calculi ductus mechanicè obstruunt, et varia medicamina, variis temporibus usurpata fuere, quae potestate eos solvendi, vel transitum in duodenum expediendi pollere credita sunt: horum praecipua sunt acidum carbonicum, aqua calcis, gramen, taraxacum, alkali, aether, &c. horum autem magna pars, nullâ ferè hujusmodi virtutê praedita sunt.

Remedia alkalina ad calculos biliarios solvendo usurpata fuere. Etsi autem haec vi solvente extra corpus pollere videntur, nulla adest ratio

cur

cur credamus, ea ita intra corpus adhiberi posse, ut eundem effectum praestent. Casus autem narratur, ubi ex usu horum, haud parum adjumenti acceperunt Ictero laborantes *. VAN SWIETEN exemplum pauperis memoriae prodi- dit, qui usu graminis solo convaluit.

BOERHAAVE, taraxacum laudat. Sanguinis detractioni aliquando locus est, praesertim si dolor, febricula, adeò urgent, ut aliquid inflammationis subesse suspicamur. In hoc statu quoque vesicantia hypochondrio dextro admota, in subsidium opportunè veniunt. Opii laudes in dolore mitigando, irritatione amovenda, et in spasmo solvendo, nemo non agnoscit: nisi igitur urgeat febricula, vel adsint inflammationis signa, remedium in hoc morbo paratissimum est. Caven-

E

dum

* Vide Dr Beddoes on Calculus; Dr Coe. Dr White, &c.

dum quoque est laxantibus subindè repetitis, ne alvus, in Ictero plerumquè tarda nimis comprimatur.

Equitatione, quando vires finant, nullum praesentius existit remedium.

Ad cathartica, quibus descensus calculi adjuvetur, plerumque decurritur, his enim motus intestinorum peristalticus augetur: quo consilio resina amara saepius utuntur; et etiam bilis aliorum animalium, quâ incommodis ex impedito ejus in intestina itinere, quodammodo occurritur. Cathartica autem drastricta, nil boni praestant.

Emetica, convulsivo quo viscera abdominis quatiunt motu, profunt, et non rarò calculum in intestina detrudunt. Emetica mitiora esse debent, quippe quae corpus nimis convellunt, haud parum
saepe

saepe nocent, praesertim si inflammatio adest, et calculus in ductibus infixus est. Exempla quoque non desunt, ubi vesica fellis bile turgida, iis direpta fuerit *.

Aquae quaedam minerales beneficio non carent.

Ictus electrici ex regione hepatis elicit, non raro auxilium attulerunt.

Acido nitrico non desunt sui laudatores †.

HOFFMANUS usum hydrargyri reprobatur; nuper autem optimi effectus huius remedii usum subsequuti sunt, et symptomata in melius converti incipiunt, quamprimum os afficitur. Haec medendi ratio, medicinam in India Orientali exercentibus praesertim

* Audi Dr Duncan on Therapeutics.

† Vide Powel on the Bile, p. 166.

praefertim arridet, ubi Icterus, quàm in hac plaga, frequentius semet ostendit.

Febris Icteri symptomatice usum mercurii prohibet.

Si hydrops huic morbo inveterato supervenerit, nulla ferè restat salutis spes, etsi morbus primarius cefferit*. HOFFMANUS exemplum Icteri laborantis memoriae tradit, qui hydrope correptus, etsi calculus tandem dejiciebatur, nihilominus morbo succubuit.

Dum aliquis Ictero tenetur, diaeta tenuis, minimè stimulans, partitis vicibus assumpta, omnibus liquoribus spirituosus denegatis, convenit.

Morbo

* Vide Med. Rational. Systemat. Cap. de dolore et spasm. a calc. fell. Observ. 2.

Morbo tandem depulso, vires aegri, exercitio modico, diaetâ idoneâ et medicamentis tonicis, restituendae sunt.

Calculus biliarius ex vesica fellis, ubi prius latebat, nonnunquam in abscessum hepatis, vicinum iter sibi aperit, et adhaesione parétibus abdominis facta, viam foràs molitur.

Aliquando, partibus inflammatis, et tandem suppuratis, hâc viâ in intestina illabitur: hujus exemplum, inter praeparata Nosocomii Sanctae Thomae conservatur: quòd autem saepiùs accidit, in duodenum ex ductu communi, partibus vicinis ferè illaesis, defertur.

F I N I S.

EDINBURGI:

CUM PRIVILEGIO,

Apud ALEX. SMELLIE.

